

義

門

先

生

集

何義門先生像



吳江翁耕摹



贊咸師其不遇綏
并豐魯肅肅坑其
篆紀止成鳥不親
元出止乎憐侵
醉 咳斯凡其
樺 而乃榮陰

義門先生集目錄

卷一

序

、郭鯤溟先生詩集序

、魏篁中詩後序

、荻中隨筆序

、姜西溟四書文序

、楊易亭制藝序

、行遠集序

壽序

吳母沈太碩人壽序

祝伯母武陵太夫人八袞壽詩序

憇閒堂八十壽詩序

李君濟生六十壽序

卷二

記

鰲湖書院記

普濟堂記

渾上書屋記

傳

管麟公小傳

顧蒼羽小傳

雜文

士先器識而後文藝論

判

講讀律令 攬納稅糧

鄉飲酒禮 優恤軍

屬

修理倉庫

匿稅

失儀

越城

淹禁

誣告

世祖章皇帝輯勸善嘉言恭紀

御賜近視眼鏡銘

祭王賓日文

程公墓志後記

纂緣疏

卷三

書

與惠天牧書

上安谿先生書

存第一首

與徐亮直書

與楊大瓢書

與陳少章書

與少章季方書

與曹仲經書

卷四

書

與友人書

卷五

書

與友人書

卷六

書

復董訥夫書

與錢楚珩書

與蔣子遵書

與陳彥瑜書

與丁審桓書

與李大兄書

與武陵先生書

與常熟知縣書

答陳生汝楫簡

卷七

書

與顧學會書

與文時大書

與陳師洛書

與孫洪九書

與鶴老書

與李世得書

與陳季方書

與某書

與表叔書

上父書

寄弟書

家書摘錄

卷八

跋

漢夏承碑跋

漢婁壽碑跋

吳天璽紀功碑跋

北魏營州刺史崔敬邕誌跋

楊大瓢所藏瘞鶴銘跋

舊本聖教序跋

褚河南聖教序跋

皇甫府君碑跋

內府本小歐道因碑跋

石淙詩碑跋

衛景武公碑跋

內府顏魯公多寶塔碑跋

舊本顏魯公多寶塔碑跋

東陽蘭亭序跋

曹恆齋蘭亭帖跋

潁上黃庭經跋

越州黃庭經跋

杜貽穀宋搨黃庭經跋

毘陵唐氏宋搨十三行跋

唐人雙鉤右軍帖殘本跋

張旭肚痛帖跋

顧氏所藏淳化帖跋

蘇東坡宸奎閣帖跋

松濤庵蘇米三帖跋

宋徽宗樓閣帖跋

祝京兆書述跋

祝京兆書跋

董思翁摹爭坐位帖跋

馮補之書彌陀經跋

雉園先生南宮牘跋

子寧堂法書跋

楊安城補臂圖冊跋

王忘菴墨花卷跋

卷九

跋

校春秋經傳書後

跋薛虞卿批尚書讀本

跋孟子音義

跋國語

跋後漢書

跋大金集禮

跋中吳紀聞

跋困學紀聞

跋新安小志

跋酌中志

跋金石錄

跋金石錄

跋瘞鶴銘攷

跋淳化法帖攷異

跋洞天清祿集

跋法書通釋

跋錄異記後守約詩

跋文心雕龍

書白香山集後

跋賈長江集

跋李賀歌詩編

跋李賀歌詩編

跋歐陽行周文集

跋茅鹿門評王荊公文鈔

跋王荊公百家詩選

跋中州集

跋後山先生集

跋後山先生集

跋王半軒先生文集

跋臨川集

跋剡源戴先生文集

跋趙閒閒滄水文集

卷十

雜著

兩浙訓士條約

義門書塾論文

雜說

知之者未能信

姿性有敏鈍

四書六經

吾斯

雜識

宋越州石氏帖

晉人小楷五種

馮欽南

雜錄

翠微居士墨迹

宋揭力命帖

陸放翁橐

鄭宅茶

秋水軒記

青箱堂石氏帖

唐虞

邵十三行

杜宗伯

黃庭

潘稼堂

宋揭帖

力命

曹娥

徐子

擴石氏帖

夏承碑翻本

田公德政碑

京師米貴

七十大慶帖

卷十一

五言古詩

擬古

飲酒

有感書事

讀孟嘗君傳

詠王昭君事

冬夜八柏軒讀書

庭柏早久色悴漫賦

同友過堯峰免水禪院訪過菴長老

讀柳子送文暢上人序效寒山體

還徐子采若寫真戲作示之

補昭明五君詠山濤王戎二詩

繼陳拾遺薊邱覽古七首

蔣子範昆季邀往城南同尋封氏廢圃觀矮松

客于便面仿馬和之倚杖尋梅圖漫題

辛巳小除夕讀漢書戲擬叔庠體二首

甲午都下初會芡實戲作

壽徐蒼伯七十

題王石谷仿黃鶴山樵夏山高隱圖

頌懷玉壽二首

七言古詩

謁武夷精舍二首

賚研齋歌

岳墳

楊生學山娶婦

康熙壬午京兆秋賦

辛丑夏日續題卷末卽用送公西行

石節母顧太君表貞編

王翁壽詩

五言律詩

項亭懷古

過淮陰市

繼楊南蘭江干行

同賦愁多知夜長

賦得歲寒堅後凋

友人以所作鍾山能仁寺樹王記見示因題

催梅

早梅

梅花

晚梅

遠梅

石梅

落梅

紅梅

墨梅

綠萼梅

再賦二首

蠟梅

康熙辛巳冬日安谿先生再被哈密甜瓜之賜也

得大兄親剖與嘗還占六韻申謝

恭紀

聖恩詩

康熙四十一年十月十七日

恭紀

聖恩詩

康熙四十二年

賦得鶯出谷

道翁先生偕賢配孺人齊齡稀壽

祝龍舒節母沛國夫人四袞壽

卷十二

七言律詩

金陵懷古

夏日過蘭雲堂偶成

賦得佛容爲弟子天許作閒人

贈玠老

長干浮圖國力所造倏焉告災庚辰再過怪復新
之異詢其自而紀小詩

安谿先生保定署中偶得西洋花一本數葩並蒂
望之似木芙蓉而氣甚郁烈畿南秋容此日增
麗爲之賦詩

讀中州集周得卿謁先主廟詩

馮已蒼謂作江韻詩皆愚物偶和王荊公韻爲一

篇希不見晒于馮氏也

商邱中丞移家園牡丹四種植于法螺精舍入山
正會盛開漫效俳體

滄浪亭西石枰僧院淡色一叢亦中丞公分植并

記四韻

劍池

雪後戲書

送友之長沙

共會鹿尾戲作

壺甘

明瑟園

過木瀆韓氏隱居觀牡丹

白燕二首

蒲劍

題姜學在江山初霽圖卷

兩河告成詩二章

康熙四十一年十月

恭紀

聖恩詩四章

康熙四十一年十二月二十八日

哭毛斧季

吳興太夫人壽詩

五言絕句

蘭葉

桃根

長信詞

題彙升小像

七言絕句

啖荔圖二首

范蠡

代劉夢得竹枝詞

將南歸題旅舍壁

賦得今月曾經照古人

讀祖君彥代李密移郡縣檄漫題

題京口負笈圖

同舟逸興小冊

鷗洲將上蒙城出南歸圖屬題漫賦二首

壬午二月朔日乙夜紀所見

題孫某小像

附錄

行狀

沈彤撰

墓志銘

方榮如撰

墓碑銘

全祖望撰

祭文

儲大文撰

義門弟子姓氏錄

義門先生集

歸安吳雲

元和韓

崇同輯

吳江翁大年

卷一

序

郭鯤溟先生詩集序

鄉先生鯤溟郭公初筮仕爲袁州理官會嚴氏新敗世
蕃不之戍所爲橫于鄉如平時公盡廉得其不道狀南
京御史林潤以聞卒論如法能使萬物吐氣至今婦孺
猶道公之名氏余初意公爲人發姦摧豪峭特敢決殆

趙子都朱子元之流及從其後人得公穆宗初元爲吏部屬應詔陳言皆務引大體疎暢洞達有儒先君子之風乃知公所蘊宏遠非僅意氣激發快一時之人心者也旣而其五世孫鸞重刻公詩集四卷閒以見遺一再尋諷則近體尤和平溫厚得大庥貞元韻味爲多同時朝士有詩聲者或未之能先益信公陶冶性靈故有和粹之積焉若勵威嚴逞鋒銳則淺丈夫末事而豈足以知公哉漢宣帝有言今吏或以不禁奸邪爲寬大縱釋有罪爲不苛或以酷惡爲賢皆失其中公旣爲袁理官袁事之空問孰有大且先於世蕃者熾一方之大憝申

廟堂之佚罰俾毋至於失中誦其詩以知其人適無改
於平日之和平溫厚而已然後之居政府者遂以此嫌
公謂其不務優假退輔立朝必將唯敵是求而中人亦
惡之萬厯甲戌公爲考功郎不滿百日江陵遂出公爲
江面參政公亦引疾遄歸不復展所蘊矣公之卒以庚
辰越二年而江陵沒於位言者追論之其禍幾與分宐
竝向使江陵之爲相也能容如公者謦謦與爭得失可
否則有所顧藉可以無敗卽身沒勢移猶有如公之平
心得中者別白生平功罪其禍當不至若是酷也亦何
事預爲排翦而傾軋反出所備之外哉吾又因誦公之

詩而不能不三歎於後事者也公生平文多散佚其應詔陳言及請治中官一疏卽附見詩集之後吾黨小子庶皆因之而有所興起云康熙癸巳秋日後學義門何焯謹書

魏篁中詩後序

揚州之士其文尤雋上者曰魏君篁中予未之知也已丑哭吾師宗伯吉水公於安空歸由江都偶過前輩退谷先生寓居案上見制舉文一冊披讀之翩翩乎逸才靈氣不從人閒來稍惜其類仲宣之體疑賦慧多而嗇於福澤也問之則魏君以丙子升名薦書再上春官不

見收前五年天歿矣予把卷嗟誦曰東坡有言其清可
以仙其寒足以外君文其是乎越日君令弟蒼水袖君
平生詩八卷乞退谷爲前序謂余能讀君文也亦屬以
後記予從退谷咀翫君之詩韻味清遠與文略類其獨
出無前波瀾閒起蓋馳騁韓門兼摘六代之豔者雖得
年不永未造老成而去俗萬里固難以字之安律之諧
較其工拙矣晉杜牧序長吉詩模擬形似角立爭奇余
媿薄才不能吐一奇語惟其知之最晚惜之最深差可
對於杳冥云耳長洲何焯

菰中隨筆序

亭林先生老而好學遇事之有關於學術治道者皆細書剗記述往俟來其用意豈止博聞強記蘄勝於不說學者哉身歿後遺書悉歸於東海相國然不知愛憎或爲人取去此菰中隨筆一冊余於友人案閒得之視如天球大圖時一省覽以警惰偷南北奔走未嘗不以自隨也先生所著區言五十卷皆述治天下之要余曾在相國處見一帙言治河事亦如此細書者不識能寶藏否若遂付之鼠齧蟲穿不惟有負先生而亦重生民之不幸矣庚午仲秋之月後學何焯識

姜西溟四書文序

蘇谿姜丈而溟以唐詩宋文晉字擅名者四十年已未
用大臣薦入史館不及鴻詞之試獨未授官僅會七品
俸分撰明史引內閣中書例每京兆秋賦猶屈首逐六
館之士裹飯攜餅提三錢雞毛筆入試丁卯主司已定
監元復爲外簾所抑至昨歲始得解雖被黜落者皆爲
喜相告也姜丈與劉兄大山同爲分校某公所薦大山
將雕其平日科舉文字爲行卷咨予抉擇而自歎其不
如姜丈手以視予予受而疾讀洵均之爲國工也蓋大
山之文宏而肆姜丈之文清而溫然所清溫者自縱橫
博辨極其所至洗鍊以歸於粹其風格高矣光焰長矣

參觀少作不可以知用工之渙乎予竊怪古今文人憤其道之鬱滯多流爲悲涼怨思並謬聖籍初不自禁而姜丈之爲文也加粹焉己未以後古文尤貫穿六藝非自孔氏者不道何其謹也答李長源由薦書從事史館館中新進雖所長尙不滿其一笑而從事職書寫止若今史館之有謄錄耳人以府史蓄之長源不自聊至于雷李交訟而罷元裕之論其詩爲詞旨危苦鬱鬱不平者不能掩也方今士大夫能以道相高姜丈卽得專纂述之事與編檢鈎禮及修本朝一統志又得預焉蓋亦可謂獨遭其盛歟然而汗青頭白猶著麻衣歎老嗟卑

不形篇翰非君子有德之言殆未能然也太史公感子
虛大人其指風諫作相如列傳直書其臨邛之事蓋以
箸才若相如雖不護細行然不可辱在泥塗而狗監皆
得言士是武帝能盡時人之器用也明守科舉之法不
通其變有才而操行修潔者亦多湮沒於場屋如歸熙
甫晚晚一第宰相力引之始以冗轍獲挂朝籍況唐寅
徐渭張大復唐時升之徒哉好古者無以競勸文章且
遠遜唐宋何望兩漢姜丈纂述餘暇反覆史家之微旨
或當有輟簡長思所關非特一身之窮達者乎益并論
大山他日當路何術而思天下無滯才也康熙甲戌十

月長洲後學何焯書

楊易亭制藝序

有明之代詩筆皆不克突過前人經義以之取士奔走二百餘年之豪雋宋元文集中所載其神味風骨莫能當也莊簡楊公旣以雄文奮興於永陵季年而端孝忠文兩先生繼其淵源忠文領解南畿尤能隄障一時僞子波流惜其所遭之不幸未及如莊簡之大顯也忠文仲子易亭先生痛心家國之故不應有司課試今且老矣而顧好爲經義積成巨編噫豈非先代典章損益幾盡而此猶爲未變之制乎近時澹歸禪師徧行堂集亦

載經義若干首一以爲篋中之燧燭一以爲髻上之簪
簪讀之其亦可茫然而三歎矣

行遠集序

由道一而後經明士以能言經之義獲升背乎道者宐
無所容然而思不浹則浮意不達則晦識陋則寡要養
失則難馴浮役於似晦卽於蔽寡要啟歧難馴誨駁自
其盛猶有頗焉而況華巧代扇樸雕質滅幾何不分而
馳哉雖然道不變也反而折諸經斯一矣始吾隨俗爲
經義華於溺巧於轂匪是若弗慊乙亥冬學習復樂記
至於姦聲正聲感應之際廢卷而歎悔向之弦鄭衛於

孔牆也日奔馳而道則忘乃盡屏叢說更取聖人賢人之經讀之反覆乎訓故會通乎條理得其大體道本浸出於是截僞放淫凡是且非依經以定念前代一耳目謹尺度莫如小錄所刻程式鈔其最著亦係以士子中是式者先肄焉至萬厯乙酉禁主司之自爲而後止又輯其略曰自景天以上純於質綴訓故撮旨要不自立義課其通師法以否而已最近古成宏正之際更潤色之義則猶之傳也理勝未嘗空爲辭貫諸經而左右取焉故彬彬然其道彌其辭炳正嘉之中言遂無物拾誦外張枝葉潛滋剋方造圓體亦趨卑以下或侈之裁而

不反其朔卒與道裂元氣隨削華巧者始藥而汨之是
升降之爲我鑒也道可不務乎人同是心聖坐厥書迷
焉則淪覺焉則昭有立志斯一者咸可以致精吾之學
侶得毋有曾蹈吾所悔者邪姑以諗之旣而復鈔萬厯
丙戌至 國朝士子爲世稱傳之文亦係以魁儒鉅人
所擬程式於明季之衰著壤亂者棘於 國朝之盛著
紹復者艱遂合前所鈔以時後先析爲上下二卷嗚呼
非經何義儒先旣造道而解經爲之義者卽以經核乎
道之合離焉繼自今乃人及於古矣夫康熙己卯孟夏
長洲何焯書於語古小齋

壽序

吳母沈太碩人壽序

人子之於親也更十年必爲壽會中外致賓友侈之以文辭吳之舊然亦曰吾以大吾慶日之喜也吳江吳當世繼白兄弟來告予曰在庚辰孟春吾母吳興太碩人壽六十矣請爲壽讌之序其由是道哉吳之先安北徙梅唐家未亂自建朱東都良相今居廟溪也亦在明洪武初元老屋匝水衣冠世世守之吳江之吳有再世爲尙書貴盛者視廟溪猶爲後門申呂未瘠族黨咸在觀禮者將於吳氏之讌矣二子之先君愼思甫以詩鳴傳

其徒數人自爲柳唐之學他邑言比興風刺者率俯下之今其相與作歌以上碩人壽也宐可比於頌圖焉吾常聞碩人一事慎思甫將爲子納幣凡色繒以逮酒果之屬碩人悉自營之家獨無新髹漆合子慎思甫適入城曰吾以假之某所會坐上有譚客慎思甫與抵掌終日歸則忘矣碩人笑曰趣具書爾故不以煩君也則碩人之勤勞恭順由可推見欲採風者又將於吳氏之讌矣是舉也微二子請其盛實足以書雖然之二者固其已然者也二子豈無以自致之於吾親者邪慎思甫無先居之財歿後六年而二子得以弗窘於寒飢則碩人

一身之艱瘁可知矣二子者固當思所以報養其母思報其母莫若貽以令名惟令名爲無窮其子而貞臣良士也者則其母亦班於貞臣良士之母也其子而聖人賢人也者則其母亦班於聖人賢人之母也在二子自致之耳窮巷之嫠拮据荼苦其嘗之者備矣或竟以泯泯陶公母湛截髮一供客而稱傳到今豈不以子哉以詩言之文王之母徽音播雅成風委也見於三頌六經與天地不毀則其壽亦竝天地也可不爲二子願之乎人之進德與日俱新而門祚興替恆十年以變逮碩人之七十吾跂二子之亦有可書也康熙己卯七月之望

同郡後學何焯

恭祝伯母武陵太夫人八秩榮壽詩序

康熙五十年辛卯我伯母武陵老夫人春秋八秩宗黨之老謀所以侑壽觴者將徵求同郡之善頌以進而預以序授簡於其從子焯曰三百篇始系以序卜氏之所傳衛宏之所作一言而已後之爲序者侈於詩詩之所不備者必得序而著焉是詩頌有待於序也夫人之多壽其頌之而有當者惟若知之詳且真不可以讓小子辭不獲命爲之仰而思作而言曰惟

聖天子臨御五十年久道化成自建元以後始一再見

也我伯母之康強壽考適會宇宙太和之氣爲聖世嘉瑞又自我曾祖母以來始一再見也嗇者我之曾祖母弘農太孺人以逮伯祖母武陵太恭人我祖母平原太夫人世母武陵太宜人我母延陵太孺人皆以貞靜和順宗黨推之爲母師女士伯母則世母同懷之女兄弟其先後歸於我而事伯祖母太宜人又傳所謂姪其從姑者其一德可知也奕世相仍宜皆高明顯融備享天下之福祥然而受氣於天者厚薄有不齊當曾祖母七十時陸光祿晚菴偕同社諸名流敦升堂拜母之諡光祿復爲文數百言申以期頤之祝而僅八秩之半而止

伯祖母甲子不及一周世母逾周甲而亦僅開七秩之半而止我母則不及四十也惟我祖母以康熙丙寅冬壽躋八秩前一年乙丑焯在京師卽乞前輩之有聲於詞館者自先師慕廬宗伯至益都趙秋谷中允數人皆爲歌詩時慈谿姜丈以諸生在史局亦預焉方期張之蓬壁以爲光寵而餘杭之酒未行東海之塵已變潘輿之攀戀雖長顧若羸老何今我伯母之八十也耳目聰明手足便利杖倚壁而不拄鍼髣縷而可度階前無怯於苔痕牀下不惑於蟻鬪戴勝之姥可數邀其降蟠木之實可頻摘其熟是尤三世二百載中未有之盛也而

豈易得哉在晉吾郡士子專工制舉之文閒有從事詩古文者相與目笑之爲襍學猶記大冶相國爲都憲觀風以吳會吟行及和范石湖閨門初泛命題士子相顧不知吳會行載在文選石湖集亦唯汪鈍翁前輩架上

有之及後數年此集遂有刻本及今三十餘年而聖天子稽古右文崇儒勸學浹於海宇士有不談風雅者則樵夫笑之乙酉 六飛南幸夾道獻賦頌者不絕乃 命扈蹕詞臣試之宰相復第其甲乙以進一舉而取以儲詞館之選凡五十有三人由是慕効者愈眾左右大臣以文教爲己任者方議增秋賦解額爲廣厲學

官之路則自今長筵旣啟金聲玉振更唱交奏無煩如
簪年之取盈於他省此又爲快也夫詩足以憲章三百
篇者莫如昭明之所選其首以廣微之補雅繼以康樂
之述德又繼以韋張之勸勵舉以況我伯母今日之壽
讌則亦可謂斷章而必類者也廣微之補白華不云乎
白華絳趺在陵之陬蓓蓓士子涅而不渝竭誠盡敬亶
亶忘飭我元調伯兄少而才致魁傑知名坊社者四十
年選定制藝雞林賈人爭購其書當世父視學江右所
甄錄者至今頌爲得人惟我伯兄與倬雲章漢兩弟左
右之然而棲遲舉場不肖詭遇以求一當卽入粟令下

凡士大夫家子弟稍有才智者皆得一官以去師儒之職惟敦學半猶爲清選而伯兄眷戀庭闈亦不屑就我佩金四弟之志猶是也斯真無營無欲能潔白以奉其親者邪焯自冠字以後奔走南北雖競競守身幸無點辱然定省溫清曠闕已多終不敢望如伯兄四弟日侍於伯母之側也其亦可謂難矣然而天下虧盈之理恆若循環自我曾祖以來伯祖與世父猶木之有榦焉我祖我父則其支也二伯父又榦中之支也花發有早晚實成有少多然榮悴未有獨被者也我家之傳緒至世父而滋大倬雲章漢又繼之其中榦之最盛乎以焯之

無似亦得介乎倬雲章漢之間邀 特恩而竊非據其
小支之嗣反適當陽和穿漏乎然雨露之潤中榦與新
支俱受之敷藥收實庸獨後歟我同堂兄弟中唯伯兄
之子成立最早翊藻妙年卽推賢序之俊爲伯兄之孫
者天才秀發亦已露頭角佩金二子子懷子未皆以英
絕之姿沈潛下帷文格出拔青紫可拾也康樂之述德
曰兼抱濟物性而不嬰垢氛蓋亦推其潔白者以兼濟
非以出處爲加損也韋孟作諷諫之詩是其原本忠孝
家世傳經之本茂先勵志之詩有云進德修業光輝日
新翊藻能率先子弟不懈益勤以應太平右文之運韋

氏之仍世宰輔有爲者亦若是而已。管我祖母日望焯
之得志於兩闡而荒怠自棄致身不早未獲博坐白之
一笑。今茲羣從鑒而自鞭及伯母精力康強使序齒錄
中大書重慶繼此九十又當

聖天子無疆歷服六十年其進於筵前者燕喜壽母之
頌其鳴。國家之盛者雲漢爲章壽考作人之雅也進
乎選矣爲祝慶者又可勝旣哉謹序歲之初吉

賜進士出身 內廷供奉 皇子伴讀充佩文韻府編
纂官翰林院庶吉士姪焯頓首百拜撰

憩閒堂八十壽讌詩序

八十翁憩閒堂主人舅氏維岳先生外王母之姪也其
生辰在丁酉之月正元日前一歲陸氏之甥元功博徵
名流祝嘏之辭將侑屠蘇之觴以進而以書來告小子
焯曰舅氏之七十吾嘗請秀水竹垞先生爲之序其文
編錄曝書亭集中今將以屬子矧在諸甥之列其可多
讓乎小子自維以文遠非前輩之亞匹其習吾舅氏也
則淡於竹垞先生乃就其心儀舅氏以爲宜獲是壽者
略系其後焉蓋人生康強綿遠其精神血氣得之於天
者所賦固使獨也而有所以自作元命者必其德之厚
識之達純白不汨冰炭不交夫然後能導和而葆真不

假屈伸吐納坐致夫彭祖松喬之所好矣舅氏早多長者之游俯仰遷賈高門降衡金松粉竹胥化蕭艾葛帔練裙自嫌瑣尾道逢而若不相識踏門而當關莫報遂爲常態矣舅氏則必營護其漂搖津濟其跋履投轄無倦損產不辭非德之厚而能若是乎狹路摧輶編籬插棘升劉班之堂者莫過殷鐵與南亭之游者罔入平泉舅氏從容道故兩無猜間有君卿之智而羞以俠名蓋惟雅道自將灑然物外也牽絲製錦亦曰多門苟有因依淮海可變舅氏於五十年之中宜爲宋都之錫不逐葉縣之鳧左圖右史几鼎牀琴自適已事而已佳日多

暇游娛博弈或窮日夜樂此忘疲終不以易聽雞戴星也其識可謂達矣是以神明不衰手足便利偶譚及法書名畫壯盛曾一過目者題識之多或至一二十人誦其文辭舉其畧里不少遺忘雖聽張茂先之譚史漢目虞伯施爲行秘書無以逾之精強少年不敢望焉奇物古器流傳付授歷歷指數又如此李少君識齊桓柏寢之所陳聞者咸駭爲數百歲人也惟其德之厚則和氣益完識之達則真趣罔滯享洞天之清祿爲地行之散仙誠不能測其所至也已矣元功居樽下其爲我敬誦之舅氏或爲忻然而笑爲小子亦微窺於祝慶之本乎

吾外王母有舅氏三人與吾母皆同產綏遠先生其季也今丁酉亦屆七十矣而小子未能如元功之事吾憩閒舅氏者悠悠我思南望而無以自比於人長筵之上中外咸集安得不屬耳目於元功也哉康熙丙申重九表甥義門何焯再拜恭撰

李君濟生六十壽序

余與君交在癸酉之春年壯氣盛竝思得一當以自標表於世旣而尋環南北侵尋老大然君之尙義重諾好交名流則益周旋夷險不避風雨旣命其子弟皆及吾門而凡吾徒之材秀有文者君皆兄弟行之其他聞人

美士無不折節與友故君雖旅寄而吳門之譚游道者如面之有睂焉余晚得一官而復遭挫君亦久游減產今年辛丑余旣六十過二而及五月某日爲君生辰則又甲子一周矣書問往復殷勤慰藉廻思曩游可以一嘑也顧君精神益強志尙彌大視三四十時不少有衰颯之氣以鑒於中者余讀離之九三常人之情志隨年變日昃方及暮氣棄之不鼓歌以娛樂則歎老而悲傷惟烈士暮年壯心不已蓋其畜者厚故其氣不衰自始至終一皆朝氣清明猝逢其會則可立無疆之業而讎畢生之志旨因晚晚而謀樂以荒志興嗟以情歸乎然

則今之志得意滿者視陰偷息卽膚革充盈已懔懔如
就盡而君之感槩激昂髮雖種種輝若初出之日方將
經口煜晝吾見其進未見其止也君族居婺之李田宗
黨萬家前後以科名起者累累有人君少卽入山伐材
浮江達漢以鬻於吳會之區其貲可以官而其材可以
用然顧不屑獨爲子弟禮名師聚書卷一意勸學以紹
前聞凡昏喪葬葬之用以及米鹽膏火之資君皆身任
之蓋其孝友懇誠有過人者諸公長者爭與之交其有
以也今日齊女之門葵榴照水竹椽篷戶棲於方枘之
上而賢豪之酌大斗而歌介祉者如登陳君之堂占德

星之聚山川爲之增輝華日月爲之留馭夫豈世俗席
長筵賁譔嚟之可同乎余與君交尤厚故先諸公而爲
侑觴之序通家老友義門何焯拜撰

卷一終

義門先生集

歸安吳雲
元和韓崇同輯
吳江翁大年

卷二

記

鷺湖書院記

鷺湖者考亭朱子象山陸子講道處也晉東萊呂氏與
朱子交善又於陸子有場屋之知見二君子平日操論
有不同者故約爲鷺湖之會而朱子及陸子兄弟皆赴
焉後人就其地立爲書院以祠四賢起於宋淳祐閒賜

額文宗延及前代屢有修舉或曰朱陸之異同五百年來以爲口實今同堂而祀於古者配祔之義何居余曰不然二子之相崇重者至矣朱門誨學者以持守每推服象山爲不可及白鹿講章朱子至爲之避席上手謝焉陸之於朱則有泰山喬嶽之歎故朱子有言南渡以來理會切實功夫者吾與子靜兩人而已原其講辯豪芒之指一則慮玩心高明之失實一則恐著意精微之離真二者於末學誠皆有弊焉雖朱子亦謂宐捨短集長庶無墮於一偏也嘗游夏同師夫子而本末之論互爲訾警二程張邵相與切劘者數十年然其說流弊程

子猶有微辭今語高第弟子則文學之科同配聖師朱子敘道統淵源竝以周程邵張釋奠精舍未嘗以其小不同者爲病然則朱陸之共俎豆而處闕宮也而又何猜乎今

天子衡量道術一以朱子爲宗

聖人有作萬世論定矣在學者誠宜稟

皇極之彝訓奉一先生之言以講以思以服以行庶幾沿河入海而無斷潢絕港之差也而又當知張邵及陸之於程朱其學雖微有同異而實相成非若孔墨告孟之不同室無陷於膚末者吠聲之習以長夫晚出橫議

之風是之謂能自得師矣曩歲逆藩變亂西江適在其衝兵燹之餘舊宇堙圯康熙癸亥前令潘君某曾一修之今又頽敝施君德涵以名進士來尹是邦尋訪名迹慨言更新會諸上憲皆畱意文事故請上輒報加以慰獎規撫旣備考落有期適余以丐歸經過侯與邑之人士邀請瞻謁而以祠記相屬余惟爲政者首訪邦之明祀勝蹟繼而修之古之君子皆然況夫羣哲論道之區學術源流移風百代而可以翳諸荒榛乎且夫書院之建實與國家學校相爲表裏李渤高士爾講洞之廢朱子猶惓惓焉今使先賢遺址煥然崇修江右故理學地

必有游於斯而奮乎興起以紹前緒者倡明者之功於是爲大故不可以無書

普濟堂記

易曰天地之大德曰生孟子曰人皆有不忍人之心張子曰民吾同胞凡天下疲癯殘疾憊獨鰥寡皆兄弟之顛連而無告者也是以國家設立普濟院以存恤之惟恐有一夫不得其所然一入其中卽與乞丐同列故負性帶氣之人有宜外而不肯入者亦有羈旅窮窘或遇疾病無以自活然本非土著不得入者往往僵踣道路漢可憫也好義之君子從而憂之故京師彰義門之

外設立普濟堂給其饘粥儲之藥餌其功足以佐王政之所不及焯癸未歲祇直南書房時近臣適以碑文上請我

皇上不憚親灑宸翰以示與人爲善之意侍從諸臣見而知之者退而相與仰歎

大聖人之用心之廣大其爲天下好義勸至深遠也吳四達之會生齒繁商賈行旅之所走集其值流離困乏待於拯贍者宐不減於京師又當積歲歉儉土著之民亦失所者眾於是陳明智之徒將謀作普濟堂於虎邱之半塘使之有以保其生而後其死乃告助於能以天

地聖人之心爲心者夫天下之好義一也已處於飽煖而疾視他人之飢餒已處於康強而疾視他人之疾憊人類之所不忍也吾見富者出財貧者出力以其成之不謀自合焉豈獨京師稱盛事哉

渾上書屋記

石城峙前天平倚後平田繚左溪流帶右其中老屋五楹規制樸野廣庭盈畝植以叢桂名曰渾上志地也皂莢庭卽書堂之後庭雞棲一樹直攬清霄曲幹橫枝連青接黛每曦晨伏晝不受日影下有蔀屋偃憩者莫不忘返矣曲盦闌由園門折而東又折而北又再折而東

北左竝廣池右迫桂屏接木連架翦植木香薔薇諸卉
引蔓覆蓋其上花時追賞爛然錯繡坦坦猗石梁在介
白亭之前廣八尺長倍之平坦可以置酒追涼坐月致
爲佳勝介白亭三面臨水軒爽絕倫左則修竹萬竿儼
然屏障前則海棠一本映若疎簾旁有古梅蜿蜒屈曲
最供撫玩舊爲隱士吳江徐白介白所築故表目焉升
月軒臨水面東月從隔岸修篁閒竇緣而上故以名軒
聽雨樓桐響松鳴時時聞雨霜枯木落往往見山帷林
草堂三閒北望茶陽山如對半壁其前嘉木列侍若帷
若幕中有古桐一株橫臥池上霜皮香骨尤爲奇絕庭

後蔬蒔藥畦夏藹秋葩未嘗去目暖翠浮嵐閣卽帷林
後之右偏疊石爲山構楹爲閣四山巘嶸環列如屏障
煙雲蓊鬱晨夕萬狀簪賢拄笏恐未盡斯致冰荷壑帷
林之前廣池兩岸梅木交映水光沈碧臨流孤坐寒沁
心脾桐桂山房叢桂交其前孤桐峙其後焚香把卷秋
夏爲佳益者三友之蹊細篠蒙密桐桂交錯中有微徑
沿流詰曲爲損爲益求友者當自辨之小波塘介白亭
後之方池細浪文漪涵清漾碧游鱗翔羽自相映帶摘
簞岡枕池之東土岡蜿蜒其上修篁林立掃籜刷萌頗
供幽事木芙蓉漱土岡之下池岸連延暑退涼生芙蓉

散開折芳華秀宛然圖畫魚幢池深廣處立石幢一游
魚環繞有邈然千里之意藝窩陋室北嚮宵如淡冬庭
有古梅幽幽藝龍君子居之經學是攻飯牛宮東皋之
淚翠羽黃雲三時彌望草亭低覆過者以爲牛宮爾東
泝橋橫跨流水前後澄潭映空月夜淪漣泛濫行其上
者如濯冰壺研北邨修竹之內茅舍數間外接平疇居
然邨落一窗受明墨香團几視友仁之在園園有過之
傳

管父才傳

此篇不知從何處采錄孫名曰得豈不可笑不讀書人孫
作解事真是無可如何人情之刻大抵此類

管父才字麟公康熙庚戌進士邃於理學與同年友陸

隴其講論諸儒異同漢相契合至性孝友親老不仕克盡子職事兄捷變敬備至推已析之產於幼弟又爲其師程智營葬地經紀其喪制行卓越人咸重之

顧蒼羽小傳

顧大鵬字蒼羽長洲縣人考功松交先生之從孫幼挺淳至以孝謹稱於宗族鄉黨閒父簡堂先生爲毘陵郡文學抱病臥官舍偕兩弟奔走經年挾醫師致藥物所以治療者百方大鵬體素羸遂以積勞成瘵疾然弗敢有幾微倦怠意簡堂欲以病乞休而舊例計典將屆凡以病自言者皆不見聽僅得請假歸里就醫適督學歲

考職當部送諸生府檄復至促往莅事大鵬念父病方少閒一動必至沈頓乃力疾獨往以情自言於刺史請寬假期舟小往來冒風露體益憊亦不自知也大鵬旣往簡堂病勢復變歸則已彌留矣三月二十三日簡堂終大鵬哭不絕聲踊無數親屬前抱持之不能止比殮昏不知人親屬強以湯飲進而後蘇至二十九日旬匍一慟頓仆遂絕嘔血灑地斑斑如漬金石磨刮不可去焉大鵬早有文筆與里中高材生楊繩武陳景雲徐葆光陳震張位以古今之業鏃礪馳騁然不辯於口故知之者少其弟升名兩闈選爲庶吉士而大鵬止於歲貢

生歿時年四十九

係之以贊曰孝經言毀不滅性特謂當循三日而會之
節無以歿傷生非恐其歿滅不致乎哀而預抑之也方
其痛親之歿傷腎乾肝焦肺亦何暇計其身之存亡其
不從親於地下者豈凡爲子者之始志哉顧子以哭泣
之哀距親喪七日而歿固子道之正不當以滅性爲疑
春秋書秋九月癸巳子野卒左氏傳曰毀也穀梁傳曰
子卒曰正也合二傳之文則知不幸而以毀卒者未嘗
不得乎其正焉夫而後可以教孝矣故書其大略以備
史氏之採同里義門何焯撰

禋文

士先器識而後文藝論

周禮司徒之教必曰六德六藝士之器識文藝未有不
相兼者也學者知之明則行之益當故文藝又嘗爲器
識之助焉唐承齊梁陳隋之後去古者黨庠術序之澤
遠矣其爲學不出乎風雲月露之詞章逐末而昧其本
所謂文藝者非古之文藝也於是士習日以浮薄急名
躁進者多雖經貞觀之治猶不能以盡返故裴行儉有
士先器識而後文藝之說而其預揣王楊盧駱四子之
終身亦若燭照數計秉銓衡者以爲相士之格言至論

莫之能易焉蓋嘗論之王勃以文中子之孫不思克紹
家學以周公經制孔子刪述爲歸而徒庾信徐陵之是
效固器識之不足而文學雖拔出一時終無可重者也
楊炯以沈靜令終要其人本難大受照鄰嘗奉教於孫
思邈然求爲山棲谷飲樂壽無累之士亦不可得獨駱
賓王者傳檄以討武氏後之君子或憐其得附於忠義
傳誦其文至今且以爲其人本出於不幸而非器識之
咎竊亦以爲不然蓋忠義之士自有中道委蛇濟變如
狄仁傑之默爲轉移可也浮沈下位以老其才如張柬
之及時而奮可也事機未至而妄動則所病在器不知

徐敬業之不足以匡復則所病在識矣固空行儉之論於四子皆不失一而必獨以器識爲先也若夫自宋以來鉅儒繼作其爲學也本之於躬行而發爲有德之言其書立於學官復有六德六藝之遺故士之涉其流者風尚粹然復返於端厚庶幾於本末兼該則因其文藝之大醇可卜其器識之遠到知言知人或有進乎行儉之識者存矣然在下之士可不以此自警哉謹論

賀表

伏以 日御方行迅掃龍庭之迹 星弧直指俄空狼角之氛功獨成於

宸斷七德本出萬全捷皆應於

睿謀一怒不煩再舉威加八表慶叶三靈

臣

等誠懽誠

忭稽首頓首上言竊惟悉主悉臣効順者神之所助乍
叛乍服爲逆者天之所誅故軒巡涿鹿蚩尤之肩髀橫
分禹狩會稽防風之骨骼斷棄觀扈方侮五行則鈞臺
誓旅昆吾將稔三孽則景亳再征高宗克先零之祖鬼
方勞以三年宣王伐葷粥之苗太原行於六月蓋愧德
怛威在彼曾無先覺除兇禁暴維我豈得後時然師武
臣力決勝多寄爪牙拙速工遲運籌時咨帷幄未有不
赦不疑操先定之志是伐是肆收獨克之勳如 今日

者也茲蓋伏遇

皇帝陛下 德臣列辟 功君百王 經文緯武守成

廓開創之規 秋肅春生征伐濟禮樂之用從來約束
降王俾各安於覆載惟欲保持屬國令偕樂於昇平未
嘗勤偏師以出塞襲建元之啟疆豈有輕

萬乘以待邊踵永樂之掃穴惟是興逆游魂悠遠爲師
徒所不至冥頑逋寇毒螫爲訓誠所不悛脣齒輒圖薦
會鯨逐蛟而愈貪卵翼難及敗羣鳳惡鷗之好殺特宏
神略遠屆

天聲驅貔虎以獵侯王懸日月以照霜雪游騎西行勝

先制於斲臂元戎中出威已懾於攻心黃旗紫氣旣壓
於前霜鏑形珠復倚厥後雉竄何從氣不盈於一鼓羊
牽莫許圍難突於三重中堅立碎劇壘震子母之神鎗
首尾紛披攪陣舞縱橫之獸盾遂使周首之門埋元方
隘燕然之碣築觀但高師非獲已原息其弱吐強吞網
不終疎亦懲以草薶禽獮從此鴟變好音戰士無何以
家爲之請鼠靡夜動貢使絕拜戎不暇之言皆由篤近
而舉遠常以無外爲仁故能係大而定功歸於不殺爲
武臣等耳剽三五之表餌胸無數萬之甲兵旣怯奮身
以赴敵執殳前驅復謝毀家以佐公轉饋先至庶幾成

功告於神明輝力儼相如之頌大業刻之金石竭思慕
韓愈之碑伏願 壽格無疆 政敷有截王業必自憂
勤而致逸樂聖人不以內寗而忘外憂惟我

皇上以繼世而兼開基故當不憚勞 一人以安天下
今薄海而外旣以賓服 炎天之下罔不爲親實

聖子神孫無疆之休羣黎百姓竝受之福 制作百年
貫胸髻首之民皆知周孔 詩本九域緩耳反舌之俗
胥劬顏原豈數功由羣帥雄誇報千古之辭奚羨事詭
典章襲受天可汗之號惟見萬國羣趨難名者魏魏蕩
蕩四方來賀勿替者繼繼繩繩矣臣等無任瞻

天仰

聖蹟躍懽忭之至謹奉表稱賀以

聞

判十則

講讀律令

法外有意非研練者弗周知議事以制惟熟精者能肆
應明啟刑本五罰始齊於三百勿誤庶獄三尺卽是其
六經今某徒羞以吏爲師遂忘民命所寄豈知史佚奉
教周公惟大本蘇公之式仲尼漢取叔向以能用臬陶
之刑若明法不逮於專科必舞文但聽之姦吏望其致

君堯舜罰其不習蕭曹

攬納稅糧

催科之責專司無用於代庖轉運之需假人豈減於直達未必慮重陽之好句方成詩人敗意豈惟恐朱陳之古風難盡縣吏盈門今某會計兼司於五民土田遂占於一邑當屬陰操出納之長短轉輾遂其侵牟加之乘時稱貸於下貧緩急恣其兼并矧或私徵而妄費又將比戶而再輸惟精核其主名庶力懲於影附

鄉飲酒禮

舉三代之墜典惟敬老而尊賢修郡國之美談將移風

而易俗自非洛中之四賢豈厭一時之望雖復香山之
九老敢云盡是其人今某君俊無聞於士論几杖輒至
於賓筵鹿鳴魚麗之入耳何異工誦茅鴟大夫君子之
令言不惟對慚離畢儻行如蘇洵之戒族則謬逾於謹
之在雍爾入於刊我愛其禮

優恤軍屬

覓封侯於萬里未免兒女之悲懸賞格以千家不救朝
夕之急中古采薇零雨之篇悉心憫勞近代新婚坐老
之別到骨酸嘶今某不弘激勵於後勳并吝出納於成
勩亦聞南城之夫人尙存不除其國不見冠軍之遺孤

未壯詔養於宮乃致李同有靡託之親蘇武有去帷之婦每致三軍之失望猶恨一青之莫償

修理倉庫

積貯係國家之命脈擁護必勤資儲作城社之腹心扞衛方切故倉庾之掌承周而爲族大庭之庫至魯而猶新今某智不迫於綢繆功彌疎於塗塹如畫馬伏波之山川覩聚米者歷歷似展杜征南之胸臆閱矛戟者森森猥慕露積之不垣殊乖勇夫之重閉尙免疑鄰而智子當先倣急而督奸

匿稅

摧商賈之奇贏原期抑末稽貨賄之出入亦恐藏奸故
邊陲謹茶馬之司而內地重關津之寄今某明避規條
暗營輸運豈比汲縣科斗之文易水磨煤之製卻車可
以無征諒非湘江唬痕之管端溪水翦之雲滿載從來
不稅入物咎人猶從寬貸

失儀

九天閭闔仰肅穆之威容萬國衣冠思對揚乎休命非
協周禮司儀之度能免漢庭柱後之彈今某旣顛倒其
裳衣亦遺忘其表序非若褚公斂板僅下官之誤通難
儼常侍登牀當翰墨之游戲假使受釐宣室則螭頭可

以直登如其陪祀甘泉則豹尾將無橫過俸入示罰山
野宐懲

越城

王公設險守禦在所必嚴勇夫重閉出入宐遵其限故
園乃樹檀便畏言其踰越圃惟折柳猶思願彼夜晨今
某不聽金鑰私度玉門豈燭武之見秦君急而夜縋似
蕭曹之係劉季恐乃踰城律以重典用備非常

淹禁

飢鷹在鐐目惟盼夫青雲嘯猿繫檻腸每迴於碧嶂故
鍾儀君子立脫南冠之囚季孫行人不畱西河之館今

某已除司寇之籍使爲園土之淹未必夏侯授經踰冬
乃能卒業豈爲蘇軾詩案及春恰是歸期罰懲厥玩獄
庶乎空

誣告

民期無訟君子必以刑措爲心詞苟無情小人孰敢干
正以試懸仁壽之鏡肺腑畢現其真燃牛渚之犀魑魅
莫逃其影今某乃於夏日秋霜之下肆南箕貝錦之工
將認皋陶眞瘡不能片言立折妄意曾參賢母亦以三
至成疑眈眈以加誣亦咎而復坐

世祖章皇帝輯勸善嘉言恭紀

欽惟

世祖章皇帝嘗採經籍勸善嘉言以貽億萬年之子孫
皇子九殿下胚胎前訓肅拜洛誦顧諟勿諼因書之
以爲屏障聞者咸以東平樂善爲比焯竊謂樂善者所
以要其成勸善者所以勉其始古之大賢未有不先之
以懲忿窒欲而能遽進於善者也蓋孔子論諸侯之孝
而於詩之小旻斷章焉 皇子常能以戰戰兢兢之心
對越

世祖章皇帝勤勤懇懇之意由勸以馴至於樂庶幾哉
長守富貴而同揆乎東平之懿矣

御賜近視眼鏡銘

虞廷明四目漢祖見萬里依我日月光九思此焉始

祭王賓日文

惟靈導江夏之遙源擢豫章之高枝少孤露而有見長
特達而多奇五都則意氣自合三川則聲譽先馳憎負
材兮不試徒有志兮無時聊潔身而高蹈乃課子以下
帷謂一經之獲傳勝萬鑑之是遺遂圖畫爲小像示後
人以志斯果三珠之鶴起惟文武之所施況相攸於甥
館又必作夫戶楣縱莊缶之已擊亦福履其方綏繫中
年之甫屆入佳境而遽辭嗟天命兮難問初無非之可

知念衰門之非偶辱託嫻以儷皮固潘楊之有異敢因
聘而爲資始問名於甲寅迨庚午以結褵□弱女之事
舅月僅逾彼一期職佐□兮未久賴介婦兮攝司孫初
生而在抱更不得夫而含飴嗚呼哀哉幽明長已永隔
情好詎忍或虧敬再拜而陳奠庶音塵之可追若此身
而玉立忽來降兮不遲尙饗

程公墓志後記

秀水朱先生旣志封中大夫程公之葬葬師有謂支干
與幽壤未協者遂改卜日暨康熙五十五年十月二十
一日乃克窆於時朱先生久游道山矣國珍循柳儀曹

續榮澤尉周君志故事又請何焯志終事之年月日

□□庵募緣疏

天下布施獲福之事其有諸乎曰有諸曰然則梁武不免於侯景之難此豈施之未徧邪曰梁武據上流大藩不思殉國因而爲利區區奉佛曾足以贖其邱山之罪哉故誌公早有冤家生矣之言此其當身之報不可誣也然慶流後嗣爰及於唐蕭氏八葉宰相或亦能施實□且夫棄權藉勢之人巧取豪奪動以千萬計而損其毫毛絲粟之微遽思遠罪獲福其亦望奢而難給矣然藉是善因於無閒地獄中一念不昧猶可復得人身以

悲悔心入於佛道施其可以已乎若乃匹夫匹婦辛勤
力作餘有尺布斗粟□□有所攸施非有所懼諸天護
法之神鑒其至誠予之以福苦者可以得樂夭者可以
得壽絕者可以得嗣吾見若操券契以取之也釋氏明
達募緣於葑門之外施之者皆辛勤力作之人也故以
是法告焉